

Na osnovu Budžetom predviđenih sredstava i dinamičkog plana utroška sredstava namijenjenih za podsticaj poljoprivredne proizvodnje – grant za plasteničku proizvodnju Načelnik Općine Stari Grad Sarajevo objavljuje :

JAVNI POZIV
za dodjelu plastenika površine 100 m²
sa dodatnom opremom

1.PRAVO PRIJAVE NA JAVNI POZIV

Pravo podnošenja prijave za dodjelu plastenika površine 100 m² sa dodatnom opremom imaju svi demobilisani borci koji su prijavljeni u Zavodu za zapošljavanje Stari Grad Sarajevo, penzioneri i oni koji imaju nerješen status (lica na čekanju), čije je mjesto prebivališta i zemljište na području Općine Stari Grad.

Pravo na dodjelu ne mogu ostvariti lica koja su u ranijem periodu ostvarila pravo na donaciju (platenik od Općine, nadležnih Ministarstava, humanitarnih i drugih institucija).

2.USLOVI ZA DODJELU PLASTENIKA

Pravo na dodjelu plastenika sa dodatnom opremom mogu ostvariti demobilisani borci koji ispunjavaju navedene uslove:

a) Opći uslovi

1. Da je podnosilac zahtjeva zakonski korisnik minimum 500 m² zemljišta na području Općine Stari Grad,
2. Da navedeno zemljište pripada poljoprivrednom gazdinstvu odnosno da je uz objekat stanovanja podnosioca zahtjeva (utvrđuje Komisija na licu mjesta),
- 3.Broj članova domaćinstva i da u okviru domaćinstva žive minimum dva radno sposobna člana.

b) Posebni uslovi

- 1.Demobilisani borac – nezaposlen
- 2.Demobilisani borac – penzioner
- 3.Demobilisani borac – nerješen radni status (lica na čekanju)

c) Dodatni uslovi

I.Pripadnost jednoj od navedenih kategorija podnosioca zahtjeva i člana domaćinstva:

- 1.Priznat status RVI podnosioca zahtjeva,
2. Prodicta šehida,
3. Dokaz o nezaposlenosti svakog punoljetnog člana porodičnog domaćinstva,
4. Dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva.

II. Pogodnost zemljišta

1. Da je površina zemljišta gdje će se postaviti platenik ravna ili veoma blagog nagiba,
2. Da zemljište nije vlažno odnosno sklono zabarivanju,
3. Da nije u blizini objekata koji bi mogli stvarati sjenu na platenik,
4. Da je zemljište udaljeno od glavnih saobraćajnica minimum 100 m,
5. Da je u neposrednoj blizini izvorišta vode ili vodovodne mreže,
6. Izjava da u ranijem periodu nije ostvareno pravo na donaciju - platenik
(uslove od tačke 1. do tačke 6. utvrđuje Komisija za dodjelu platenika na licu mjesta)

3.POTREBNA DOKUMENTACIJA

Uz zahtjev za dodjelu platenika potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: Prepis posjedovnog lista nadležne općinske službe ili kupoprodajni ugovor zakonski ovjeren.
2. Kopija lične karte i kopija prijave o mjestu boravka za podnosioca zahtjeva i sve punoljetne članove domaćinstva sa kućne liste.
3. Kućna lista.
4. Potvrda o nezaposlenosti izdata od Zavoda za zapošljavanje za podnosioca zahtjeva,
5. Za lica koja nemaju riješen status odgovarajuća potvrda od kada nemaju riješen status (potvrdu izdaje preduzeće) kao i da razlog takvog statusa nije rezultat lične krivice dotičnog uposlenika,
6. Ček od penzije ukoliko je podnosioc zahtjeva penzioner.
7. Dokaz o ukupnim primanjima domaćinstva, podnosioca zahtjeva i punoljetnih članova domaćinstva (potvrda o studiranju, uvjerenje nadležne službe o nezaposlenosti, ček od penzije, potvrda o primanjima od poslodavca, odnosno primanja po osnovu lične i porodične invalidnine i sl.).
8. Demobilisani borac: rješenje o statusu borca ili uvjerenje Federalnog ministarstva odbrane, Uprava za odbranu Sarajeva – Odjel za odbranu Stari Grad, ratni vojni invalid (rješenje nadležne općinske službe) i šehidska porodica (rješenje nadležne općinske službe).
9. Dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva.
10. Kandidati koji su u 2013.godini podnijeli zahtjev za dodjelu platenika bit će uzeti u razmatranje, s tim da su u obavezi podnijeti novi zahtjev na šalter protokola u zgradi Općine Stari Grad uz koji će priložiti dokaz o nezaposlenosti, dokaz o nezaposlenosti svakog punoljetnog člana porodičnog domaćinstva, ček od penzije ukoliko je podnosioc zahtjeva penzioner, potvrdu preduzeća za lica koja imaju neriješen status (lica na čekanju) i dokaz o ukupnim primanjima domaćinstva.

4. PODNOŠENJE ZAHTJEVA I DOKUMENATA

Obrasci zahtjeva za dodjelu plastenika mogu se podići na info punktu Općine Stari Grad. Zahtjevi za dodjelu plastenika sa pratećom dokumentacijom se predaju na šalter protokola u zgradi Općine Stari Grad, ulica Zelenih beretki br.4, sa naznakom: Služba za privredu – Prijava na javni poziv za dodjelu plastenika.

Sve dodatne informacije mogu se dobiti u Službi za privredu, soba 416, IV sprat.

5. PROCEDURA ODABIRA KORISNIKA

Proceduru vrednovanja i odabira pristiglih zahtjeva izvršit će Komisija za dodjelu plastenika. Svako lice kojem po ovom Javnom pozivu bude dodijeljen platenik potpisat će Ugovor sa Općinom čime se obavezuje na poštivanje odredbi istog.

6. FINANSIJSKA SREDSTVA

Projekat se finansira sredstvima iz Budžeta Općine Stari Grad Sarajevo za 2014.godinu u ukupnom iznosu od 55.000,00 KM. Ukupno će se dodjeliti 15 (petnaest) plastenika sa dodatnom opremom.

7. NAPOMENA

1. Zahtjevi sa nepotpunom dokumentacijom kao i zahtjevi podneseni mimo utvrđenog roka neće biti razmatrani.
2. Rok za podnošenje prijave na Javni poziv je 15 dana od dana njegovog objavljivanja.
3. Proceduru vrednovanja i utvrđivanja liste kandidata za dodjelu plastenika izvršit će Komisija za dodjelu plastenika. Odluku o izboru donosi Načelnik Općine Stari Grad na prijedlog Komisije.
4. O rezultatima Javnog poziva svi učesnici će biti obaviješteni putem Oglasne ploče Općine Stari Grad, a mogu se i lično informisati u Službi za privredu, soba 416, IV sprat.

OPĆINSKI NAČELNIK

mr.Ibrahim Hadžibajrić, s.r.

Sarajevo, 10.03.2014. godine